

Resp 35341 - 6/10

BERNARD LAVERGNE

Ancien Représentant du Peuple

LOU 24 MAÏ

RACOUNTAT AS PAYSANS



ALBI

IMPRIMERIE NOUGUIÈS

Lices de Ronel, 21

1873

Madame de Beau-

C'est moi qui vous le dis
Dont vous m'avez dit
M. de la Roche a C

AS PAYSANS

Bous èy proumés, cado cop qué sé passario quicon, dé ba bous éspliqua : téni paraoulo, s'én passo à la météou, amay dé mal coutissat ; cal qué ba bous counté. Séra bé loung un bricou, béléou ; mais yé méttrén lou téns, pérqué ba bous cal saoupré al sigur. Et yéou bous troumparèy pas ! Yén manco pas qué bous troumpoun ! Fossés s'engrayssoun dé las méssourgos qué bous fan ! Fossés passoun your bido à bous ménti, amay qué s'én couffèssoun pas ! Yéou bous èy pas tsamay troumpats et coumèncarey pas aro. Ey toutsoun pénsat et pénsi qué dé la part d'un homé qu'a d'éducatiou, troumpa un paysan èro uno bérítaplo guzarié. Et, dé pu fort, aro qué lous paysans botoun, your ménti per lous fa bouta dé trabès, és l'obro d'un couqui. Oui, d'un couqui, bas éy dits et ba sousténi. La counfiéço, pardi ! sé coumando pas, et dounas pas la bostro facillomén : siès éstats trop soubén énguzats

per abé pas lou dréts dé bous mésfiza dé tout lou moundé; mais caldrío pas qué la pouou dé bas èstré éncaro bous empatsèso dé récouneyssé lous qué ténoun per bous aous. Assiguras boun d'aquélis : és cé qué prèssou lou mayt, pér cé qué lou tsoun n'és pas lèn qu'aourés bésoun dé demanda cous-sél à calcun.

Aro parlén dés affas. Hé sabès quicon détsa. Sabés qu'an trats dé sa plaço moussu Thiers; et né siès tristés, bas èy bist! Et bas èy bist ammé fossou plasé; pérqué aco probou qué les paysans couménsoun à coumprené quicon et qué soun pas d'ingrats. Lous paysans saboun qu'és moussu Thiers qué nous a rémés lous affas én rèclo, qu'és moussu Thiers qu'a pagat lous Prussiens et qu'és caousou qué ban parti lou binto-cinq dé tsun. Lous paysans éroun counténs pérqué tout martsabo à souhait, et demanda-boun pas sounco qué duressou.

Atabé, démpéy dimentsé, béléou cént soun béguts mé demanda s'èro bértat qué moussu Thiers fousquessou pas pus présidént dé la Républîco. Et toutés mé disén : « Jès! qu'un malhur! aro qué tout anabo pla! » Et toutés démandoun : « Cal ya fats lou cop? » Lous rouyalistos, pardi! cal boulés qué siogué? Et toutés respoundoun : « Lou diablés lous émporté! Poudion bé démoura tranquillés! » Gar'aqui sé que toutés disoun, toutés sans né manqua un, pérqué, ba bous xuri, lous paysans régrèttoun moussu Thiers! Et bous répèti qué né souy countén, pérqué moussu

Thiers és un brabé homé et qué ba mérito; et aco probo qué lous paysans bas aourian pas fayt et qué, douncos, baloun mayt qué your députats. Oh bé! dé sigur, baloun mayt!

Mais y én a dé pus curiosés et qué boloun saoupré pér qué lous royalistos an rambérsat Moussu Thiers! Pérqué? Sé béts bé prou, l'azé té fouto! Per qué boloun toumba la Républico. N'an pas rés pus dins lé cap. Et mé démandarés: « Y'an réussit aquésté cop? » — Noun pas béléou! ni mayt tsamay nou yé réussiran! Soun pas foututs dé la toumba. Et la probo qué né soun pas capaplés et qué, s'an boulgut réussi à toumba Moussu Thiers, soun estats ouplitsats dé réspoundré qué boulion, al méns, counserba la Républico? Bésès-mé qu'unis bouns bougrés: mountoun uno cabalo afrouso pér toumba la Républico, et, al moumén dé tusta sé countoun: bay té fa sécourté? Soun pas prou; yóur né manco un escabot. Pér lé trouba, ban quista pértout, proumettoun à l'un, fan pouu à l'outré; à forço dé fa, én arrémassén touto la gazaillo, arriboun à n'abé 14 dé mayt qué lou xust, mais à la counditiou, al méns, qué rénouçaran à toumba la Républico et qué sé counténtaran dé toumba Moussu Thiers! En éffét, lou paouré Moussu Thiers démore pér terro. Oh! mais, cal pas créyré qué digus l'atsé pas sousténgut: n'abuts 348 pér él et 362 countro él, 14 dé mayt; 1 aourio suffit.

Cal pas créyré surtout qué sé siogo laysat éscana coumo un agnèl. Ah! qué lou bougré s'és pla déféndut! et qué your n'a dittos dé duros! Ba bous boli counta! Cal qué ba sapiés. Sé soun fisats, lous royalistos, qué coumo lous paysans létsissoun pas las fullios, ba saourion pas. Lous quatrè das nostrés qu'an fayt your part countro Moussu Thiers, M. Décazos, M. Bermoun, M. Jambés dé Mazamét (an aquél parés qué lous mazamétols y fan un coumplimén à la mé-téou, qué lou fara pas riré) et M. Daguihloun, qué m'estouno pla, car m'abio proumés à yéou mémés dé counsérba la Républico, sén déou soubéni! Lous nostrés quatrè, disì, sé soun déguits apénsa: « Bah! lous paysans dal Tarn qué parloun pas francés, coumpréndran pas rés à ço qué fasén. » — Ah! parloun pas francés, lous paysans dal Tarn? Hé bé! Milo noun! Ba your dirén én patés. Obé! Én patés, tout cé qué sés passat! En patés, lon discours dé moussu Thiers, Diou m'aperdouné! Ré dé parèl sé séra pas xamay pus bist. Coumèncarén dixous et y mettrén lou papiè qué caldra.

Mais, pér né fèni abèy, paysans, ésplicas m'aysso: coussi sé fa qué, sèt ou bèyt xcuns aban qué dabalessoun moussu Thiers, passabo uno ditso qué la Répuplico anabo fèni? Sé disio aco dal fabré, al mouli, à las colos. Es un fait. Et n'és pas lou prumiè cop qu'aco arribo: *Cado fés qué lous royalistos an préparat quicon*, lou bruts n'és passat à l'abanço.

Cal és lou prumiè qué bous a dits aco ?
Sériès pla émbarrassats pér ba diré. Sém-
blo qué sourtis pas d'énloc et qué l'ayré ba
porto ! Bous desfisi bé dé descourbi lou qué
bas a émbéntat ! Et pourtan n'és pas nascut
tout soul ! Ané ! Saby d'oun bén, et bous
aous tabés ba débinas ; mais ni bous aous,
ni yéou poudèn pas diré rés percé qué *cal*
dé probos et la canaillo qué fa courré aqué-
lés brutsés sé sap arrénga pér qu'on n'atsé
pas ; mais poudèn toutssoun diré, al sigur,
sans crénto dé nous troumpa, qu'és dé
canaillo.

Cal qué bous esplicqué, d'abort, d'ount és
béngut lou rambal.

Aro qué les Prussiens soun pagats ou à
pu près et qu'és counbéngut qué partissoun
lé binto-cinq d'al més qué bé ; aro qué l'or-
dré és réstaplit pertout, moussu Thiers a
bist qu'èro lé moumén dé fa un goubèrno-
mén qué pousquesso téné ?

Pér qué sabès qué, malgré qué souguén
én Républico désémpèy dous ans et mièx,
y én a éncaro qué préténdon qu' y'a pas
rés dé fats, qué la Républico y és pas qué
pér un cépandant, et qué tant pla, sé l'on
boulio, on pourrio tourna métré un réy.

Comprénès qué, pér un païs, aco bal pas
rés dé saouré pas la beillo cé qu'on aoura
lou léndéma. Lous fabricans gaousoun pas
trabailla, dé pouu qu'un cambiomén dé gou-
bernomén béngo, d'un moumén à l'aoutré
fa uno rébouluciou, et qué la martsandiso
your démoré sus brassés. Hé ! ténès, détsa

sé bêts, aïci, à la lano : a débaïssat, né farén pas lou prèts dé l'an passat ; lous mazamétols n'aousoun pas croumpa.

Moussu Thiers sés maïnât d'aco, et sés dits : « né cal féni ! pot pas dura pus loun-téns coum'aco. Cal fa un goubernomén qué duré. »

Et, coumo abèn la Républico, coumo moussu Thiers a bist qué dins toutés lés départoméns, aro noummaboun dé républicains, sés dits : « touto la Franço bol la Républico, faguén la Républico. » Aco's xusté, y'a pas rés dé pus satsé : on pot pas fa countro à tout un païs !

Alaro moussu Thiers sés més à caousi dé ministrés, per y'adsuda, qué fousquèsoun dins sa pènsado, toutés dé brabé moundé qué boulion coumo él la Républico. Qu'aouriès fait bous aous à sa plaço ? Arias fait coumo él, pardi : y'abio pas rés pus à fa.

Mais garo bo t'aïci ! Lous royalistos dé la Crambo, qué sé soun bistés foututs sé la Républico passabo, sé soun parlats, sé soun énténduts toutis énsémlé, bounapartistos, ourléanistos, léxitimistos..... coumprénès pas pla cé qué boloun diré aquélés nouns ? L'aséfouto, yé perdès pas gayré ! Suffis qué sapiés qu'aquélis très partits soun pas brico d'accordi énsémlé. Qué disî, d'accordi ! Sé mantarion lé fétsé. Cadun a soun réy ; aco fa très reysés et cadun bouldrio escana lés aoutrés dous. Bous disî qu'és un éscandalo ! Mais anfin, coumo toutés an pouu dé la Républico, toutés sé soun accourdats pér

énsatsa dé la toumba et an parfaitomén coumprés qué caillo couménsa pér toumba moussu Thiers, pér cé-qué tant qué moussu Thiers sério président, y'abion pas dé risco qué pousquèssoun toumba la Républico.

Douncos, lous royalistos t'an mountat uno cabalo dal diaplés et, dins la Crambo, sé soun mésés à tusta subré moussu Thiers.

Y'an réproutsat dé téné la ma as républicains, et pér y én fa maît dé bérugougnou, an préténdut qué toutis lés républicains èroun dé canaillo, dé ci, dé là. Lés appellabon dé « radicaux !... » Qué bol diré aco ? Ba té saboun pas soulomén ; mais cal qu'éscayssou toutsoun lous qué soun pas dé your partit.

Lous royalistos dision qué moussu Thiers pérديو la Franço, qué ménabo pas pla lous affas et qué y'abio pas qu'élis qu'èroun capablés dé ba salba tout. Lous bougrés pérdition pas lé cap dins tout aco, et s'arréngaboun dé faïssou, én cassén lés aoutrés, dé sé métré à your plaço : la borio és bouno, lés bouratiès mancaran pas.

Moussu Thiers lous laissait parla tant qué boulguèroun ; mais, quant atsèroun acabat, your té respoundait et ba your foutait d'uno manière qué s'én doulrans calqué sér ou mati.

Aïci cé qué your diguait moussu Thiers :

« Ah ça, pér bésé ! S'atsis pas dé séerca dé finéssos, dé fa sémblan dé né boulé à mous ministrés per m'èspargna à yéou. Enténdi pas qué digus m'èspargné ! Soun pas

lous ministrés qué soun lous coupaplés. Sé y'a un coupaplé, aco souy yéou ; lous ministrés n'an pas fats qué ma bouountat. Mé boullès fica per terro, ba sabi, mais qué bous xaoutas pas dé n'abé l'airé, pér-qué sabès qué lé païs boun bouldrion pas bou. Et bous fisas dé poudé diré après le cop : « Té, moussu Thiers qué s'én ba ! lou paour'omé, a bé pla tort : y én boulièn pas an él ! » Sérqués pas à m'embéstia, siouplait ; y bési prin. Aco's à yéou qué n'abès ; ba préni atal : hé bé, mé baou déféndré et quand m'aourés énténdut, bous countarés : sé siàs maît de la mitat qué boullgués qué m'én angué, n'atsés pas l'ay, m'én anarèy : bous cédarèy la plaço et béyrés dé fa miliou qué yéou. »

Garas aquí coussi couménçait moussu Thiers. Et qué n'ayo pas tort d'accusa lous royalistos dé fa sémban dé y'én boullé pas an él. Y'én atsait uno quinzéno qu'aban dé yé tira déssus bénguèroun y fa lou belbel à la tribuno : quicon dé poullit, pér ma fé ! Aco's coumo s'amistansabés un gous én y diguén : « paouré, paouré ! » et qué péndén qué pér bous léca lés dets s'estiro lé coupét, l'estarrussés d'un brabé cop darré las aourelllos. Mais ammé la différenço sapéndan, qué moussu Thiers sé layssait pas alispa l'esquino et qu'al loc dé lous caréssa, biettasé ! lous brabés cops dé déns et dé griffos qué your alounguaît ! Beyrés : répréni lé discours.

« Coumbénès, saquéla, countinuait moussu

Thiers, qué, pér mé toumba dessus, pou-diès bé espéra cinq sémanos : dins cinq sémanos lous Prussiens séran partits ; mais aco m'és égal : ta pla bous respoundrèi abèi coum'un aoutré xoun.

« Per bésé, rappélen un bricounel coussi s'és passat éntre nous aous démpèy binto-sèt mésés qué sièn énsémlé. Quant mé noummérés, à Bourdèous, y fasio pas bou sé boun soubénèts ; èren dins lou tant paouré moumér qué la Franco se siogo tsamaï trou-bado. Sé calcun pot ùré qu'an aquell'ouroyéou atsé fats ré per trava la plaço, qué sé lèbé ! Nani, l'èy pas sercádo la plaço, pérqué qué n'èro pas facillé dé l'ouccupa et mé souï pas maïnat qu'alaro fousquèssés tant prés-sats dé la préné, bous aous, qué ba siès abèi, qué y a pas rès à risqua.

« Hé pourtant réculèri pas : rapport al païs qu'èro perdut sé calcun lou trasio pas d'aquí, mé laissèri coumbèrti à préné la plaço ; mais mé banti qu'atsèri dé mériti à ba fa ; et bous aous, bous poudès pas banta dé m'abé soustengut, qué Nostré Ségné sap sé m'en abès fatsos abala de cruèlos !

« Encaro abèi, qué mé bènès diré ! Mé réproutsas d'abé fats et d'abé dits tantôt l'un, tantôt l'aoutré, d'abé téngut abèi pès républicains, déma pès royalistos, d'abé parlat et d'abé pas fait rés : aoutant diré qué souy un omé dé dos pensados ?

« Hé bé ! pér béiré ! Pér béiré s'un ou-nest-omé èro dins lou cas dé fa diférentomen qué yéou. Soubénès-bous dins qu'uno situa-

tiou sé troubabo la Franço à la fi dé fébrié 1871. Lous Prussiens ténion détsa lou tiers de la Franço débés Paris ; én abal, débès Lyoun et Marseillo, lous malhurs de la guërro abion mountat lou cap as républicains. Tant bal diré qué y'abio pas dé goubernomén én loc ; pas dé souldats, èroun toutés prisouniès à pu près, et enfin, pas d'arts...! On ba paslén sans artsén, ba sabès!

« Hé bé ! éncaro n'èro pas aqui nostré pu grand malhur ! Lou pus grand, boulès qué lou bous digo ? Ero qué nous sabien pas énténdré brico. Lous uns ténion pér un réy d'uno qualitat, lous aoutrés pér un réy d'un aoutro ; aquestés pér un empérur ; fossés per la républico ; mais éncaro pus fort qué, das républicains lous uns boulian la républico d'uno faïssou, lous aoutrés d'un aoutro. Diaplès s'emporté sé tsamaï dé la bido s'èro bist un parèl rambal.

« Et aro, Messius, fasès-mé lou plasé dé mé diré sé, oui ou nou, n'érés pas tout aoutant débisats entre bous aous qué ba-s-èro lou pays ? Si fait, ba-s-érés tout dé mèmés. Dins la Crambo, coumo dins touto la Franço y'a bio lousqué boulian l'un ou l'aoutré das dous réysès, lous qué boulian l'empérur (pas gairé d'aquestés) et lous qué ténian per las dos républicos ; mais faguén pas tant dé triels : parlén pas qué das royalistos et das républicains : hé bé ! sabès coumo yéou qué lous uns et lous aoutrés tant pla sé troboun dins la Crambo coumo dins lou païs, am-m'aquesto différenço, sapandant, qué lou

païs a fossés maîtés de républicains qué la Crambo, en proupourtiou ».....

Quand your délarguait aquélo, moussu Thiers, lous rouyalistos sé récidérout, pér qué y'a pas rés qué lous fasco maît despita qué dé your diré qué la Franço, maît ba, maît tén pés républicains. Coumprénoun qué séran foututs à las életsious et bénoun fols! Mais atsérout bèl crida, moussu Thiers qué sé laïssou pas pas démounta facillomén, sousténguèt soun diré et calguait qué lous rouyalistos l'abalèssoun, pèndèn qué lous républicains dé la Crambo sé régabaloun.

« Sabi cé qué disî, tournait répréné moussu Thiers : y'a bé casqués bourtsésés dins lou païs qu'encaro rédoutoun la République, mais la masso, lou poplé, l'oubrié, lou paysan — et acos aco qué fa lou noumbré — ténoun pér la République.

« Et aro, sé crésès qué fousquèsso facillé dé goubèrna dé faïssou à conténta tout lou moundé, digas bo. Cadun mé disio : Ténès pér yéou, téndrèi pér bous. Oh! un bièttasé! èro bé lou mouyén dé mé fa tounba dessus toutés lous qué sé crésian abandonnats. Qué fayré? Mé crusabi lou cap pér né donna un bricou à cadun et sércabi, tant qué pouidio, cé qué brucabo pas à la République ni as réysés et qué toutés pougaïssén nous y accourda. Ainsi, toutés boulién l'ordré: nous éntèndèrén pér lou manténi, et un cop qué l'atsérén réstablît, faguèri d'al miliou pér èstré hounèsté et justé ammé tout lou moundé. Acos aco qu'appélas abé dos pén-

sados? és un goubèrnomén dé traité, aco? Préténdi qu'és un goubèrnomén dé géns abisats. S'atsèssi counséntit à mé donna à un partit, n'aourio pas téngut uno sémano.

« Aco bol pas diré qué n'atso pas moun idèò éntéré yéou. Oh! si fait, anas! sabi cé qué boli et ba dirèy quand ba caldra; mais èy fait lou sacrifici dé moun idèò pér qué démourèssén toutés d'accordi. Ey mal fait? Ba poudèts diré tant qué bous plàira. Yéou crési d'abé pla fait, et juscos qué m'atsés proubat qué nou, ba créirèy. »

Es certain qu'a pla fait moussu Thiers, qu'a fait tout cé qué sé poudio fairé dins sa pousitiou. Yéou préténdi qu'és un béri-taplé tour dé forço. Badinan pas! Fa martsa d'accordi cinq partits qué cadun ténio pér él soul et sé truffabo das aoutrés quatrè! C'est-à-diré pourtant, cal éstré justés, qué lous dous partits qu'èroun pér la Républico s'énténdon et aourion parfaitomén laourat l'un ammé l'aoutré; mais lous aoutrés très, paour'éfan! sitôt qu'énsatsaboun dé lous atala énsémlé, réguinaboun coumo dé miols. Hé bé! cal bas aourio crégut, sou préciso-mén aquélés très qué sé soun énténduts aro pér rambèrsa moussu Thiers. Opp'aco es fort! opp'aco es poulit! Sé podoun pas senti et s'énténdon! S'énténdon pér qué fa? Pér fa uno cabalo. Mais coumprènès qu'aco pot pas dura : la cabalo poulinara lèou.

Tournén al discours dé moussu Thiers qué n'és pas finit, s'én manco! Parlait dos ouros dé ratso pé. Aquél diaplés d'homé, à 76 ans, a un estoumac d'enfer.

« Ainsi, méssius, countinuaît moussu Thiers, n'èy pas boulgut ténî pèr digus al despéns das aoutrés : souy demourat tout-soun foro das partits. Mais és pas lou tout dé ba diré ba mé cal prouba. Ba farèy én bous rapélén cé qué s'és passat démpèy qué soun présidént. Ba baou répréné dal coumènomén.

« Y'abio dos caousos à faïré, fort différentos : uno qué préssabo, l'aoutro qué sé poudio rémétré. La qué préssabo, èro dé faïré la pats ammé lous Prussiens, d'ourganisa un goubènomén et dé fa parti lous énémits dal païs qué ténion.

« La qué sé poudio rémétré èro d'arrésta définitibomén qu'un goubènomén aourian, précisomén cé qué bous prépaousi dé faïré abèy. Mais layssén aquésto dé coustat pèr un moumén et bétsan coussi mé soun tirat dé la prumièro, coussi ba-s-èy arréngat am-m'és Prussiens.

« Faguèrén la pats, bas èy détsa dits, pèr cé qué n'abian pas pus lés mouyèns dé résista, ni souldats, ni artsén. Y'abio quatrè cén milo Prussiens ou Allémans én Franço qué ménaçaboun dé sé pourta subré Lyoun et subré Bourdèous.

« Dins tout lou païs y'abio dé désordré. Las principalos bilos èron goubèrnados pès pus débrallats das républicains, qu'abion dé fusils, bièttasé ! et qué toutos s'énténdion ént'r'élos. A Paris surtout, èron forts et mountats ; abion quatrè cén milo fusils, dous ou très céns canous et sé gardaboun

darrè aquélos muraillos qu'abion arréstat
quatre mésés lous Prussiens.

« Sé bous soubénès, messius, èren toutis
dins lou désespouër et èren pérduts sé n'a-
bion pas abut dé couratsé, mais toutés n'at-
sèren, gracios à Dious! Hè bé qué bous
diguèri alaro? Bous èy dits, après y'abé
pénsat touto la nèyt — car bous réspoundi
qué n'èy pas touxoun dourmit! — sé nous
amusan à tira cadun dé nostré coustat, tu
pér un réy, él pér un aoutré, aquéstés pér
la Républico, sien pérduts, nous poudèn
pas énténdré et sien foututs! d'al téns qué
nous disputerén lous Prussiens nous tour-
naran toumba déssus et aquésté cop nous
acaboun..... Faguén miliou qué pla : lays-
sén dé coustat cadun nostros préférénços et
faguén un goubernomén coussi coussi qué
nous métra à l'abric péndén qué descoutis-
sarén nostrés affas. Aco bous coumbén-
guait, né toubèrén d'accordi ; faguèrén lou
patté qué s'appélaït *lou Patté dé Bourdèous*.

« Soulomén yéou, pér mé para, man-
quèri pas dé fa nouta qué mé rémèttion la
Républico et qué, pér counséquéen, aourio
la Républico à your tourna à la fi dal patté,
quand farièn l'issac. Et pla qué faguèri,
pér ma fé! dé mé résérba qué your tourna-
rio la Républico! qué sé, pér malhur, abio
proumés én sécret à calcun dé yé bayla un
réy, aro sério un bougré pla embayt : mé
dèmandarion très réysés et y'a pas qu'uno
plaço !

» Anfin, gracios an aquél patté, la pats

sé sinnait ; mais n'èro pas lou tout dé sinna la pats, caillo fa déguérpi lous Prussiens, qué démouraboun pér assigura your gatsé : lous cinq miliards qué your débién.

« D'un cop faguèri acourda qué rémou-tarion xuscos al déssus dé Paris.

« Sans perdré uno minuto, mé méttèri à counstrui un goubernomén tant pla qué pouguèri, un bricou à l'azart, pérqué couneyssio pas tout lou moundé ; las grandos bilos, qué créntabi, suffis qué counserbèri la Répuplico sé sérbièroun pas dé your fusils ; à Paris soulomén sé réboulteroun.

« Mais, Nostré-Ségné ! qu'uno rébolto ! Et qué m'én a coulat dé bésé péri tant dé moundé ! Y'abio pas qué 18 milo souldats dins Paris, et qu'encaro lou poplé abio coménsat dé lous énfusca ! Dins cinq sémanos atséri 150 milo homés aïci, à Bersaillos ! Et amm'aqué l'abré moundé ablasiguèren lous coumunistos dé Paris.

« Aquél cop dé forse, nous raménait la counfiénso dé pertout, tant dé la Franco qué dé l'éstrantsé : quand betseron qué y'abio un goubernomén qué sabio cé qué boulio et qué badinabo pas ammé las réboltos, toutés sé diguèroun : ba pla ! Soun pas dé pélostiés (1) aquéstés ; your poudén fisa nostré artsén ! Et alaro, mé présèri d'émpronta dous miliards. Quand lous Prussiens sé maynèroun qué pagabén pla, élés tabés prénguèroun confiénço et récu-

(1) Marchands de peaux de lapin.

léroun un bricounel mayt. Et anfin, téntérén aquél gros émprout qué lou moundé n'abio pas tsamay bist ré dé parel. Démandérén 3 miliards !... Noun oufriguérroun 44 ! Lou moundé éntiè nous pourtabo son artsén, xuscós l'Américo ! Pardi ! Boli bé qué s'atsesso calgut paga sul cop, y'én aourio abut maît d'un émbarrassat ; mais aco's égal : aco probo la counfiénço qu'on a pér la Franço. Bésets sé cal qué siogo forto aquélo counfiénço qu'encaro abéy, après tout cé qué nous és arribat, n'abén mayto qué lous qué nous an batuts !

« Hé bé ! qu'én disès, méssiús ? és pas trop paouro aquélo poulitico ? Mé farés-bé l'ounou dé coumbéni qu'ey pas trop mal goubernat ? Y'én a qué m'an dits : Pas difficillé dé paga ! Nous bénèts querré l'artsén dins las potsos !... Aqui un poulit merlé ! Et d'oun diaplés boulets qué lou tiré, l'arsén, lou fouu pas yéou ! Anén, anén ! y'a calqué mériti d'abé goubernat atal : lous éscuts ba troboun d'abord qué soun bénguts, et lous éscuts sé layssoun pas éngusa !

« Un cop l'artsén das 3 miliards troubat s'és bé prou bist qué lous Prussiéns finirion pér parti ; mais xuscós alaro s'én pouidio pas réspoundré. Abén pagat détsa 4 miliards sus 5 qué débién. L'artsén és fats pél cinquiémé, et lou 5 dé settémbéré qué bén, tout séra pagat sé play à Diou et sé siès pu satsés én atsious qu'én paraoulos. Alaro n'aourén pas un prussien sur nostro terro. »

Quand né souguait aqui moussu Thiers, lous républicains l'approubérout, tustérout dins las mas pér l'apploudi ; mais lous royalistos branlèrout pas. Oh bay ? Ni mayt lou diaplés your aourio pas arrabat un sinné d'approubatiou pér un omé qué lous abio tirats dé péno. Et s'aco bous estouno bous direy qué couneyssès pas aquél moundé. Bous aous troubas qu'és pas poulit dé manqua dé récouneïssénso et abés rasou ; mais élés layssoun la récouneïssénso dé coustat et n'agatsoun pas qué lou prouffit. Tant qu'an agut bésoun de moussu Thiers pér lous garanti, y'an fayt lou belbel ; mais éntéré qué sé soun séntits à l'abric, sé soun réboutats et l'an ficat pér terro : aqui la récouneïssénso das rouyalistos qu'abès mandats à la Crambo. Mais sé bous éstouno bous aous qué siès lèn, l'a pas éstounat él qué lous bétés dé prép et sap cé qué baloun. Et ba y'our a dits tout dréts : « Mé créguès pas prou foutral pér m'aténdré à bostro récouneïssénso : yéï pas xamay countat, ni may nou m'én xaouti. Counti sur la tsustisso dal pays, et amm'élo n'éy prou ! »

Aqui la paraoulo d'un hounést'homé, qué martso dréts dabant él et régardo pas qué soun débért. Bal mayt tounba coum'aco d'uno plasso qué dé y sé manténé én trahién coumo un Judas. N'abio pas qu'un mot à dirè moussu Thiers pér y démoura : « Souy ammé bous aous ! » Pas qu'aco ! Lous aoutrès l'aouriou gardat pér chef al galop, et pla bésoun qué n'abian, pér qué désémpéy qui

soun aquélés paourès ministrés, sé soun émpétégats et saboun pas coussi s'en tira. Mais moussu Thiers pér ana amm'èlès aourio calgut qu'abandounéssou la Républîco. Ba pas boulgut fa, s'és may aymat toumba. Encar'un cop, aqui un hounést'homé. Bibo moussu Thiers !

Après qué your atsait fait coumpréné qué l'affa das Prussiens èro réclat, moussu Thiers passait an un aoutré pun.

« An préténdut, sadiguait, qué lousaou-trés poplés sé boulion pas énténdré ammé nous aous aro ? mais, sé mé plasio, bous pourtario aici la probou qu'és pas bértat.

» Cal qué sapiés qu'abèi cadun fa un paouc pér él et qué la modo s'en ba dé s'énténdre à dous ou très countro toutés lous aoutrés. Al téns qué sièn s'atsis qué cadun sapio sé fa réspécta et aïma dé toutos las natious et, pér aco, lou miliou mouyèn és dé sé coumpourta ounèstomén ammé toutos, et dé fa soun intèrès sans trahi lou das aoutrés. Hé bé ! poudès pas créyré coussi la Franço, après tant dé malheurs, és par-béngudo à sé fa counsidéra dé tout lou moundé. Nous sièn rélébats tant bité, abèn tant pla fats ounou à nostrés engatsoméns qué pértout s'en soun estounats et sé soun ditsés qué caïllo qué la Franço atsèssou pla dé réssoursos !

» Tabé, aro, nous réfasèn dé tout sans qué digus pensé à noun empatsa : mèmés nostro armado qués superbo détsa ! La mitat das poplés qu'abèn à l'entour laïssou fa sans

diré rés, l'aoutro mitat n'és pla counténto, pércé qué sap qué qualqué xoun pourrio abé bésoun qué yé dounessén un cop d'éspallo. Et fasèn tout aco, dé fusils, dé canous, sans nous amaga dé dius : és nostré dréts et nous p'lay dé ba fa. Aco bol pas diré qué sérquén la guerro. Pas béléou ! Boli la pats et tant qué m'aourés siès sigurs qué travaillerèy à manténé la pats ; mais nous cal méttre en pousitiou dé nous déféndré sé bénion à nous attaquâ. »

Fasès pla aténtiou an aco, paysans ! pércéqué és béléou aqui lou pus grand sér bici qué moussu Thiers nous atso randut : dé nous méttre pla ammé toutés lous aoutrés poplés. Coumprenès qu'èrén pérduits sé y abio pas réussit : Malhérousés coumo èrén, sé calcun abio boulgut nous émpatsa dé nous réléba, y'èro pla facillé. Et y'abio à crénta qué lous Prussiens nous empatsèssoun dé tourna fourma nostro armado. Hè bé, sé dins aquél tristé moumén, moussu Thiers, qué ba ménabo tout, atsèssou fats dé soutisos à calqué poplé, sé lous abio pas toutés birats débès él pér soun ounèstétat, sé éncaro mayt ! n'abio pas abut l'adrèssou de saoupré préné lous Prussiens, tant sigur coumo y'a un clouquié su la glèizo de Santo-Cécillo noun tirabén pas !

Pér conséquén débès coumprené qu'un malhur és éstat qué traguèssoun dal goubèrnomén un homé qué nous abio tant pla arréngat lous affas. Et coumo dé fait, souy pas sigur qué lous qué y' an prés la plasso

s'en poscoun tira coumo él! Notré-Ségné bolgo qué ba nous gastoun pas aro qu'ana-bo pla. Enfin! ba saourén léou, et bous proumétidé ba bous diré. Continué lou discours:

« Rapport à l'ordré, qu'un goubernomén a soubén fosso péno à manténé, tsamay pus l'abèn pas bist ta coumplèt et ta sigur. Aoutrés cops, après uno réboulutiou, on créntabo tousoun calco rébolto; aro, tout lou moundé coumbén qué digus pénso pas à né fayré.

« Mais garats aici cé qué mé bénoun diré aquélis qu'an xurat dé mé fa trouba tousoun en faouto et dé récouneyssé pas qu'atzé rendut cap dé serbici. » L'ordré dins las carrièyros, quicon dé raré, sadisoun! Pla difficillé d'empatsa qu'on sé tusté ou qu'on sé disputé! s'atsis dé fa qué toutés pensén dé la même faïçou et qué souguén toutés satsés: Ba sièn pas et és dé bostro faouto!

« Diou mé préngo! qué cal énténdré! N'és pas rés d'abé empatsat lous désordrés dins toutos las bilos, bilatsés et campagnos dé la Franço? Mais èro la prumièro caouso a fa et pus difficillo qué nous disès et cal qué y atsé pla réussit, d'abord qué coumbénès bous mèmés qué y'a pas pus à s'en oucupa.

« Et crésès qué s'atséssi boulgut téné pès uns al despièts das aoutrés, qué s'èri pas éstat prudén, qué sé m'èri dounat l'airé dé ba boulé tout ablasiga, coumo calqués uns d'aquélis qué mé coumbattoun ba couseilloun,

crèsès qu'aourio ménat aquélo tranquillitat dount toutés jouïssèn ; et qué, sé calqué cop és trouplado, és bous aous qué la trouplas ? Ba crégués pas.

« En attendén, aquél ordré, dount bous trufas, a permés tout dé rénaïssé dins nostré malhurous païs : lou trabal a réprés ; las fabricos martsoun, lou coumercé bén, lou bestial s'enlèbo, manquan pas dé crédit et, mèsqué ba gastéts pas, bous aous, sé manténdra !

« Ainsi, préténdi qué pér nous délibra das Prussiens et réméttre lous affas én és-tat, y'abio pas d'aoutré cami à préne qué lou qu'èy prés. Aco's aqui cé qu'èy appélat, én coumécén, la caouso qué préssabo. L'èy finido, la poudèn méttre à l'oumbro. Resto la qué sé poudio rambouya, mais lou moumén dé la résoudré és arribat.

» Bray ! n'és pas facillé ; aco's aici qué s'atsira dé réstabi l'accort et y'aoura dé rambal ! mais cé qué y'a dé fort és què soun aquélés qué sé plagnoun lou mayt qué y'a pas d'accort qué lou troubloun. »

Aici lous républicains qué bétsèroun qué moussu Thiers ba your mandabo pas diré as royalistos, pérqué és pla sigur qué y'a pas d'accort én Franço, soun élés qué né soun la caouso én émpatsén la Républico dé s'éstabi, lous républicains sousténguèreun moussu Thiers, qué tournait répréné :

« Qué boulèts diré ammé bostré *ordré moural* ? Boulèts diré qué la Franço sap pas pus dé qu'un coustat sé y préne, qu'a birat

lou sén? anén! ténêts, mé fasés susa! sabêts pas soulomén cé qu'abansas et bous countrodisêts à cado paraoulo. Un cop préténdêts qué y'a pas pus dé rélitsiou et lou léndéma bous bantats qué las gleizos soun plénos. Tant mius qué ba siogon, mais alaro, qué diaplés bénêts tsémi qué y'a pas pus dé rélitsiou? Disêts tabés qué pénsan pas qu'à trapa d'artsén as despéns des aoutrés, és bé un bricou bertat, mais lous aoutrés poplés ba fan bêt cop maît qué nous aous.»

Amay, moussu Thiers aourio pla pougut diré qué lous qué tsogoun aïtal à la bourso dé Paris soun toutés à pu près dé royalistos; qué subré cado cént y pot abé un républicain tout al maît.

Bous aous, paourés paysans, n'abès pas cap d'idèò dé cé qué signifio aco : tsoua à la bourso. Es un béritaplé mestié dé feignants et d'exploiturs. Ténêts, imatsinats qu'al loc dé laoura la terro, dé la fuma, dé la séména et dé séga per abé dé blat, bous réunissés uno binténo dins un cabarét et qu'én béguén un cop, bous diguèssés éntre bous aous : Tant bal lou blat abey, 45 dé tsun? — Binto-cinq francs. — Hé bé, té douni binto-sieïs francs dé milo sacs à la fi dal més. — Diaplés t'emporte! n'èy pas quatre méuros dins lou graniè! et tu, blagur, n'as pas béléou dèts francs dins la potso. — Aco fa pas rés. N'as pas bésoun dé mé bayla un gro, ni yéou dé déboursa un soout. Sé, à la fi dal més, lou blat bal 30 frans, gagni 4 frans pér sac et tu lous perdés : aco

fa quatré milo frans. Sé, al loc dé mounta, baïssou et qué balgo pas qué 22 frans, aco's yéou qué pèrdi lous quatré milo frans. Sé gagni, mé pagaras; sé pèrdi, té pagarèy : bésès qu'aco's coumo sé tsougabèn 4,000 frans et qué n'abèn pas besoun d'abé, tu lou blat et yéou la soumo.

Aco bous estouno, paysans ? Hé bé, praco, aco's atal qu'uno troupo dé gourmans gagnoun your bido à Paris : dé feignans, dé paoubalés finits et bous répéti qué subré cent d'aquélo gourrainaillo, y troubarés un républicain (amay béléou!) et cent royalistos.

Moussu Thiers countinuait :

« Quand cridats su las téoulados qué y'a dantsè pér *l'ordré moural*, aco's parla et diré pas rés.

« Qué bol diré aco : l'ordré moural és trouplat ? qué sièn dibisats, pas rés pus. Et dé qué nous dibiso ? dé saoupré s'aourén la républico ou un réy. Sé ba cal diré coumo ba pénsi, baldrio maït nous éstaca à essé pla goubérnats, à cé qué lous affas fouscassoun pla ménats et téné pas tant, lous uns d'abé un réy, lous aoutrés d'abé la républico; mais enfin és atal, ba cal préne coumo és. »

Aqui déssus, paysans, yéou bous dibé diré qué soun pas tout-à-fait dé l'abist dé moussu Thiers. Bési qué lous qué ténou bou pér la républico soun lous pus abisats ! Pérqué és pas poussiplé qu'amm'un réy lou poplé siogo pas cent cops pus mantsat et pus mésprésat qu'ammé la républico. És bésiplé qu'à un réy y cal dé noupléssou, de grandou et qu'an bel

diré, tsamay dé la bido un paysan ou un ou-briè séra pas l'égal d'aquélés contés, d'aquélés barous, dé tout aquél moundé lusént et mésprésious. Ammé la républiquo, cadun, dins pla paouc dé téns, sé bol biouré, séra ouplitsat dé travailla; al loc qu'amm'un réy, y'aoura toutsoun un entouratsé pér y fa ounou et aquél entouratsé pot pas estré qu'uno troupo dé fégnans qué biouran al despéns dal paouré moundé.

Pardi, moussu Thiers tén pas pér aquélés gourmands; él, qu'és éstat lounténs ministré d'un réy, n'a pas réstat d'essé toutsoun un balént, mais pot pas descoumbéni qué la bérmino das flatturs, das affamats dé plassos et dé galouns né nayssoun à l'éntour d'un réy coumo lous pésouls al cap. Dé fait aro moussu Thiers és pla décidat pér la républico. Réprénguén lou discours :

« Hier, calcun dé bous aous disio : sièn pas dé royalistos, sièn dé *counserbateurs*, c'est-à-diré qu'enténdèn dé laïssa pas démouli la souciétat. Ah! ça, mais, pér hazart, aouriès un airé dé diré qué la boli laïssa démouli yéou? Es qué n'èy pas fats mas probos, et miliou qué fossés dé bous aous qué xuscós aro, an fort parlat mais n'an pas fats rés? hier, quand mous amits prétendian aici qu'éroun counserbateurs, bous tsénérés pas pér y'our diré qué n'èro pas bértat; hébé! à moun tour dé bous diré qué quant bous bantats d'estré pas dé royalistos, n'abès mentit. (Brabé moussu Thiers, abèts rasou, yé cridèroun lous républicains.)

« Pér bèsè ! souguén toutés francs : y'en a, aïci, qué ténoun pér un réy et d'aoutrés pér la républico ; èy prés moun partit ; ba-s-abio proumés, ténì paroulo ; obé, és bér-tat, soun décidat pér la républico.

« Mais anfin, crésès qué siogué poussi-plé dé gouberna lountèns entré lous uns qué bous disoun : décidèn pas rés encaro, béyrén dins sieïs mésés, et lous aoutrés qué y'our sémblo toutsoun qu'on travaillo en sé-cret pér un réy ? Es pas lou tout : Coum-bénèn ensemblé dé décida pas rés én éffèt, dé démoura coumo sièn et lous qué ba-s-an boulgut bénoun après mé réproutsa dé né féni pas ? et sercoun à mé descousidéra én sé bantén qué dins quinze xouns, dins siès mésés béleou sérèy pas pus président ? Al diaplés ! gouberné qui pouldra dins aquel embiol !

« Réclamas qué manténguén lou patté dé Bourdèous ; lou manténès bé pla, bous aoutrés ! L'un crido qué bol lou réy blanc, l'autré lou réy blu, aquesté l'empérur ; un quatriémé la républico tébéso, un cinquiémé la républico caoudo. Las fuillos fan un ta-patsé fol ; aïci sé réunissoun per béouré à la santat d'un réy, alà per béouré à la san-tat dé la républico : l'un appèllo l'aoutré, pardi !

« Crésèts qu'ammé dous ans et mièts qu'à durat aïssò, y'én a pas prou ? yéou bous disiquési ; tout homé satsé coumbéndra qué pot pas dura pus loungetemps. En counsé-quo, bous douni lou coussél dé né féni.

« Aro siès pla mestrés dé ba-s-arrénga coumo bouldrés ; yéou n'èy pas lou dréts dé bous fourça à fa l'un ou l'aoutré, mais, és moun débért dé bous diré cé qué né pénsi, et bous déclari én counciènso qué poudès pas fa rés pus qué la républiquo. Ba sabès bé, tabé, bous aoutrés ; couneyssés bé la rasou qué fa qués impoussiplé qué noummés un réy : y'a pas qu'uno plasso et y'én a trés qué la boloun : on sé pot pas sèyré trés sul mêmé faoutur.

« Hé-bé ! un cop qu'èy abut près moun partit dé bous prépaousa la républiquo, èy caousit, coumo dé xusté, lous homés qué mé caillo pér mé sousténé. Dirés pas qué lous pougaissi miliou caousi ? Nous sièn énténduts énséblé pér bous présenta las trés lés qué sérbiran à éstapli la républico. Et bous aous qué fasès tant lous *counsérbateurs* én paraoulos, anas bésé qué yéou ba soun én fait. Bous baou douna la proba qu'aquélos lés counserboun la souciétat al sigur.

« La prumièyro és pél boto unibérsel ; lou mantén aquél boto. Enténdi qué tout lou moundé countinué dé bouta. Sabi bé qué fossés dé bous aous s'én passarion, amay counéyssi pérqué ; mais soun pas d'aquél abis. Mé soubéni d'abé boulgut énsatsa, un cop, d'arrésta aquél boutadis, mais mé troumpéri aquél xoun et y tournarèy pas. N'és pas yéou qué l'èy émbéntat, mais lou manténi pér qué y'aourio dé dantsè à l'empatsa. Soulomén cal arrénga la lé pér qué s'appliqué hounestomén et qu'un couqui qu'és

counégut, dins las bilos, posqué pas bouta én prénguén lou noun d'un hounest'homé.

» La segoundo lé porto qué y'aoura dos crambos al loc d'uno soulo. Toutés lous aotrés poplés n'an dos. Amay las cal, pér-qué sé l'uno bol ana trop bité, l'aoutro la rétén.

» Anfin, la troisièmo lé réclo qué y'aoura un présidén dé la républico pér gouberna. Pér lou noumma, las dos crambos sé réuniran as cousseillés tsénéralés qué lous départomens y mandaran : trés pér cadun.

» Et aro, sé las dos crambos podoun pas martsa énsémlé, lou présidén né fara ré-noubéla uno (la pus joubé) d'al counséntomén dé l'aoutro. »

S'én manquo dé fort, coumo ba béyréts pus tard, qué tout lou moundé dins la crambo bolgué fa aquélos lés coumo moussu Thiers ba-s-éntén.

Moussu Thiers countinuait :

« Boulès pas d'aquélos lés, ni lous uns ni lous aotrés. Lous royalistos mé disoun : Pas béléou, né boulèn pas ! Bésès pas qu'assigurarièn la Républico ? Et lous républicains mé déclaroun qu'amm'aquélos lés la Républico n'anario pas pla et qu'énténdoun pas qu'aquésto crambo l'éstapligo. »

Cal qué bous éspliqué pér qué lous républicains boloun pas qu'aquésto crambo fago la Républico : ne dounoun dos rasous : La prumièyro és qué préténdoun qu'aquésto crambo n'és pas éstado noummado qué pér métré fi à la guerro, fa la pats et pas pér

ré pus ; la segoundo és qué, coumo y'a fossés royalistos, coumprénoun qué sé sé maynoun dé fa la Répuplico à your fantésiè, faran pas rés qué balgo. Et yéou soun parfaitomén d'aquéel abis : s'abio à fa basti un oustal, agatsario dé lou counfia à-n-un massou dé mous amits, pércéqué sério sigur alméns qué mé paousario lous foundoméns sul roc et noun pas sur la saplo. Hé-bé bous respoundi qué, pér basti une répuplico, lous royalistos soun dé foutudés massous : és sigur qué la bastiran sur la saplo, amay qu'agatsarion qu'uno sourso yé passèssou détsouts pér qué tout sè demouliassou lou pulèou poussiplé. Mais èro l'idèo dé moussu Thiers dé ba your fiza quoiqué siogo pas d'accordi amm'él sus aquél pun, m'ématso pas dé recounéyssé qué, féttibomén travaillabo tout dé bou à estapli la Répuplico.

« Lous uns et lous aoutrés, réprénguait-él, bous troumpas, anas trop lèn ; laïssas la rasou al mitan. A bous aoutrés, royalistos, bous sousténi qué cal qué la fagués, la Répuplico ; à bous aoutrés, répuplicains, bous disi qu'abès tort dé mal pénsa d'aquésto crambo et qué cal qué siogo élo qué fagué la Répuplico. Aqui la satséssou, aqui la bertat ! Atal tranquilisarèy lou pays.

« Mais mé disoun : boulès qué lou pays n'atsé pas pouu après las élétsious darnièyros ? Hé-bé ! aquélos élétsious, pardi ! soun pas toutsoun éstados cé qué yéou aourio boulgut ; mais, anén las crési pas tant mis-santos qué fan ésprès dé ba diré. Et pérqué

soun éstados atal ? percéqué lous counsérbatur n'an pas boutat. Mais soun pérsuadat qué quand tournarén bouta toutés, né sourtira pas rés qué posqué fa pouu à digus.

« Coussi mé poudriès accusa dé n'èssé pas counsérbatur ? m'abès bist, oui ou nou, rafuda l'impôt sul rébéngut ? Est-cé qué n'èy pas fats manténé à cinq ans lou téns dal sérbi-ci ? n'èy pas fats noumma lous mairos dé las grandos bilos pél goubèrnomén, éncaro qu'atsèssés décidat qué lous counsèillès lous noummarion ?

« Qué dins las crambos qué béndran après aquésto sé y trobé dé moundé qué pensaran pas coumo bous aous, aco sé pot pla ! Lou qué sé fizo dé sé paousa à l'abéni sé troumpo : y'aoura dé trabal toutsoun, et dé rambal, y poudès counta ; mais n'abèn bistos d'aoutros ! en 1848, parbénguèrén bé à faire énténdré rasou à une crambo dé 900 députats das pus abansats ; oh, bay ! cal pas pèdré lou cap tant bité ! yéou désespèri pas dé l'abéni dé moun pays. Dé cé qu'abèy, dins las élétsious caousissoun toutsoun lous pus routsés, aco proba pas qué lous élétturs bolgoun ména lou désordré. Nani ! noummoun lous routsés percéqu'atal alméns, soun sigurs qu'aquélés téndran pér la Républico. Faguén-lo, la Républico, tirén your la crénto qu'an qué la your préngoun et béyréts qu'après lou triatsé daquélés qué boloun l'ordré et d'aquélés qué sercoun lou désordré sé fara tout soul : boun mandaran pas gayrés d'aquéstés.

« Boulès qué ba métén tout al pus mal ?

boulès qué bous acordé qué pourian noumma une crambo qu'ánario pas pla? Hé-bé! L'aoutro crambo la mantédra et sé y réus-sis pas, la rénoubélaran. Yéou crési qu'un goubernomén éstaplit atal mérito touto counfiensio. Aro sé bous aous ba crésès pas, prépaousas quicon dé miliou ba-s-éstudiarén énsémlé.

« Foro d'aco, foro d'un goubernomén apuyat su la lé, y'a pas d'aoutré rémèdi qué dé rémétré tout poudé à un omé, lou randré mèstré tout coun'èro l'Empéreur; mais sabès oun nous a ménats, à la misèro qu'abèn; et l'ounclé dé mèmés, lou premié empéreur après nous abé fats gagna fossos bataillos, nous laïssait rouinats, atabé! Oh, nani, sourtiguén pas dé la lé sé m'en crésèts, dal goubernomén dé la lé. Ba libra tout à un homé és lou mouyèn dé mal féni.

« Ay finit, messius, bous èy fats bésé coussi éntédi travailla, yéou, pér salba la souciétat: laïssa lous baouts à drétso et à gaoutso, sé manténé al mitan ammé la rasou, badina pas ammé lou désordré. Abèy, guèytas sé digus aousario bruca la porto d'uno boutigo?

« Calqu'un m'a dits; « mé fasès piétat: » siès lou proutétsat das routsés: finirés mal, » et noun-soulomen finirés paouromén mais » sé truffaran dé bous. » Es pla hounesté aquel moussu qué m'a dits aco! Encaro s'èro un homé qu'atsesso rendut calqué grand sérbici à soun pays, yé sério belèou pérmés d'abé l'ayré dé sé truffa dé calqu'un. Ah! mé

plan? ho-bé yéou tabé lou plagni à-n-el; percéqué séra proutétsat à soun tour, és proutétsat per calqu'un qué soun païré, lou duc de Broglie, aourio répoussat à cop dé pès: séra lou proutétsat de ço qué resto en Franso des impérits qu'entreténio l'empiri.»

A-n-aquel mot, s'abiès bist aco, paysans? Toutés lous républicains dé la crambo sé lébèroun dé your plasso et anèroun coumpliménta moussu Thiers. Lous royalistos és-cumaboun et lous bounapartistos — y'én a éncaro uno binténo sur 750; mais aco és égal, per l'ounou dé la Franso yén a bint dé trop — lous bounapartistos semblaboun dé désenterrats.

Lou discours dé moussu Thiers èro fénit et yéou èy téngut ma proumésso dé lou bous rapourta; mais, aban de préné countsèt dé bous aous, cal qué bous counté cé qué sé passait apèy.

Hé-bé, mous amits, coussi lou troubas aquél discours? Ero pas poussiplé dé parla miliou, pas bértat? Mais qué, tabé, moussu Thiers és un sapiént! N'a pas soun parèl pér ména un goubèrnomen. Tout lou moundé, en Franso, a recounégut qu'abio abut rasou su toutés lous puns; qu'èro éstat un parfait ou-nest'omé, abillé, adrèts et qué sans él, nous sérian pas belèou tirats dé nostré malhur. Et noun soulomé én Franso, mais pèrtout dins lous paysés éstrangés aco's éstat recounégut: De L'Angloterro, dé l'Italio, dé la

Prusso soun arribats dé coumpliméns à moussu Thiers et cado jour ressaou d'écrits dé tout coustat pér lou félicita: Albi et Castros y'én an mandats et pla qu'an fats.

N'émpatso pas qué la crambo n'a pas boulgut énténdré cap dé rasou et l'a rembérsat. Certos y'én a pas abut qué 14 dé mayt pér lou tounba qué pér lou laïssa en plasso, mais s'és rétirat. Bous èy éspliquat qu'èro un cop mountat désémpèy lountens; suffis qué moussu Thiers boulio par couséti à fa noumma un réy; mais lous royalistos pér lou rambérsa, an pla abut lou soin d'espéra qué n'atsèssoun pas pus bésoun d'él. Aco's quand lous a abuts pla tirats dé péno et qu'abut més lous affas én éstat dé martsa toutés souls, aco's quant an pas pus créntat la coumuno, qué lous royalistos an dits à moussu Thiers, tiro té d'aqui, moun amic; la plasso nous fa plasé, la prénèn. Soun fis, lous royalistos, mais l'artsén qué baloun lous empatsos dé courré. Acos coumo s'abiès émproutat un parél de mulos per moussa un camp et qu'après l'escambi, quand bous aurian pla birat la glébo dessus detsouts, y'our aloungabés un cop dé fouét à caduno én plasso dé sibado én y'our diguén: « anas al diaplés créba oun bouldrés. » A qui la récounéyssenso das royalistos.

Mais mé dirés: « un cop qu'an téngut la plasso, lous royalistos, an tounbat la républico? » — Noun pas béléou! et aqui cé qué fa qué tout lé moundé sé trufo d'élés. Matsinas bous qué sé soun tuats dé rembérsa moussu Thiers rés qué pér poudé tounba la

républico, et, moussu Thiers à bas, bay té fa sécoutré! y'a pas abut mouyèn dé bruca la républico, y'én a pér crèba dé riré.

Et pérqué n'an pas pougut? Ba bous èy ésplicat atabé: Bouldrion un réy, mais sé podoun pas énténdré pér lou caousi : lous blancs amm'és ritous bouldrion Henri V, petit fils dé Charlés X, qué fousquait cassat en 1830 ; lous ourléanistos boloun un petit fil dé Philipppo 1^{er}, qué fousquait cassat en 1848. — Bésès qu'és un paou la modo, en Franso, dé cassa lous réisés. — Lous bounapartistos boloun lou pitiot dé l'empérrur qué sè randait as Prussiens coum'un capou à Sédan. Atal sé soun pas pouguts énténdré et sé soun bistés ouplitsats dé méttré à la plasso dé moussu Thiers un homé qué tenguèssou pas pér cap et qué boulguèssou counsérba la républico.

An prés lou marétsal Mac-Mahon, et, certos tout lou moundé n'és éstat countént. Après moussu Thiers, dins la passou ou nous troubabén, poudion pas caousi mayt à la coumbénénsou das républicains. Et dé fait qué crésèts qu'atsé dits moussu Mac-Mahon, én dintrén en plasso ?

« *Séra pas cambiat rés à la lé et à las éstitutious.* » Aco bol diré : « *Sièn én républico, y démourarén!* » Et lou noubèl présidén és un hounest'hommé : on pot counta su sa paroulo. Ainsi la républico téndra, lous royalistos s'én podoun tira lou nas à your aisé. Lous ritous qué, dins nostros campagnos coumensaboun dé sè fréta las mas et qué maît d'un béléou, dins sa tsoyo, a lais-

sat escapa casquos paraoulos qu'aro bouldrio ratrapa (mais qué n'an pas dé quouo), lous ritous podoun récouneyssé qué s'èroun un bricounel préssats. Lous blancs, tabés, praïcis, lébaboun fort las hussios; cal qué las tournoun bayssa; las an détsa bayssados, an bist qué mayt anan, méns né biro pér élés.

Ray ! à Paris s'én és passat aoutant. Las fuillos qué ténoun pés blans, coumo dirièn dins nostré départomén lou tsournal qué s'apèlo *lou Tarn*, an cridat qu'èro lou moumén dé fa béni Henri V, qué sans él noun tirabén pas. Lous qué ténoun pèl fil dé Philipo, pèl duc d'Aumalo ou pér soun nébout, aco's tout un (l'ounclé travaïllo pèl nébout, sounco pér azart, un cop qué téndrio la plasso la gardesso pér él) an sousténgut qué pér ba salba tout y'abio pas qué lou duc d'Aumalo. Anfin lou princé Napoléon, lou cousi dé l'empérur, fagait miliou què pla: entré qué sapièt qué moussu Thiers èro pér terro, arribait à Paris; mais, à péno arribat lou préguèroun d'ana bèsé sé y'abio dé fabos fréscos en Angloterro. Ba sé fasquait pas dire dous cops: aquél cousi dé l'empérur és lou mèmés qu'à la guerro, en Russio, atsait la coulico al prumiè cop dé canou.

Comprénès qu'un accorty pot abé entré aquélés très partits qu'an cabalat énsémlé contro moussu Thiers. Cadun sérco pas ré pus qué dé tsicana lous aoutrés dous à soun prouffit et, pér y miliou réussi, guèytoun dé bira débès él lou marétsal Mac-Mahon. Mais moussu lou marétsal sé laysso pas énguza; lous a bistés béni et parés qué pér s'én dé-

barrassa y'a coupat court én y'our diguén :
« ah ! ça, escoutas, messius ; yéou énténdi
d'oubéi à la crambo : tant qué la majouritat
y séra pér bous aous, martsarèy ammé bous
aous ; mais sé sé biro contro bous, quant
y'atséssou pas qu'uno bouès dé maît, bous
abandouni, et préni dé républicains pér gou-
bérna. » Aco's éncaro uno paraoulo d'ou-
nest'hommé. Dé sorto qué sé pourrio bé ar-
riba qu'én créguén dé préne un baylét aou-
ran prés un mèstré.

Y'a pas bésoun d'èstré sourciè pér débina
qué lous sèt ou bèit qué sé soun réunits pér
fa lou gubernomén et qué bènoun lous uns
d'un partit, lous aoutrés dé l'aoutré, laou-
raran pas lounténs énsémlé. Sé soun éntén-
duts pér sè partatsa las plassos dé préfets,
dé sous-préfets, y'an més dé tout, sounco dé
rèpublicains, aco ray ! èro pas difficillé. Mais
pér goubérna, pér ména lous affas, és un
aoutré parél dé caoussos ! Jusquos aro, n'an
pas troubat ré dé miliou qué dé fa coumo
moussu Thiers. Aqûi dé poulit moundé !
Toumboun un homé pérqué disoun qué fa
pas rés qué balgo, et sé métoun à fa cé qué
fasio. Bésèts bé qu'èroun dé farsurs et qué
pénsaboun pas qu'à yé préne la plasso.

Coussi boulès qué téngoun lounténs ? n'an
pas abut qué 14 dé mayt qué moussu Thiers ;
sé s'én biroun 8 soulomén, soun pér terro.
Car lous républicains dé la Crambo lous
ténoun dé court. L'aoutré tsoun, sé n'èro
pas éstat qué lous royalistos lous an boul-
gut sousténe quand mèmés, lous républi-
cains lous dabalaboun ; mais, ba pourtaran

pas lén. Én attendén, aquél paouré goubernomén, qué pot pas préné cap dé résoultiou, qu'a pouu én né counténtén un dé né fatsa dous, démore aquis émbahit, sans saoupré ount sé bira, ni nou créys ni nou crèbo.

Mais mé demandarés, anfin, cé né s'éra pas rés dé tout aco? Sé pourtara pas cap dé prétsudici? Si! né pourtara. Pér qué coumprénès qu'un éstat parèl pot pas dura. Lou païs és las dé béiré pas quicon dé décidat. Moussu Thiers b'abio bé coumprés, aco's pér aco qué prépaousabo dé fa la Répuplico définitibomén. Lous royalistos ban émpatsat, pér counséquéen tant qué goubéranan, sérén toutsoun dins la mêm'incertitudo et tout né souffrira; lou trabal, lou coumércé, las fabricos? La Répuplico soulo pourrio méttre fi à-n-aco et lous royalistos boloun pas fa la Répuplico, quoiqué sapioun parfaitomén qué soun pas capablés dé noumma un réy. Bésès qué sé lou pays souffris n'és pas la faouto das répuplicains, rés qué das royalistos.

Y'aurio bé un rémèdi pér sourti d'aqui: sério qué la Crambo s'én anesso et qué lou pays né noummesso un'aoutro. Obé, dé sigur! Aco guéririo tout. Mais éncaro aici lous royalistos nous arrestoun. Boloun pas s'én ana dé la Crambo! Ba boloun pas pér qué saboun qué y tournarion pas, et qu'à your plasso yé mandariès dé répuplicains. Ainsi, pér your intèrès, nous manténoun dins aquélo situatiou falso et dantséyrouso. Las élétsious qué sé soun faytos darnièromén your fan coumpréné qu'én loc ni bour-

tsésés, ni oubriès, ni paysans, boloun pas pus dé royalistos. S'èroun cé qué déourion essé, sé rétirarion dabant aquélo manifestation percéqué lou poplé és lou mèstré et tout lou moundé lou déou éscouta ; mais s'én boloun pas ana. Et y poudèn pas rés pér lous fa parti. Quand lous abèn noummats, èrén talomén malhurousés qué n'abèn pas soulomén pénsat à your diré : « démourarés tant et pas mayt. » Né proufitoun pér démoura tant qué your fa plasé. Éncaro un cop, ba poudèn pas émpatsa, mais abèn lou dréts dé ba trouba laid, pérqué, féttibomén és laid.

Las missantos léngos prétèndoun qué quant lous royalistos an fats aquél maoubès cop dé rambérsa moussu Thiers, sé fisaboun qué lous républicains sé réboultarion dins las bilos et qu'on your toumbario déssus à cops dè fusils pér né féni amm'és républicains et ammé la Républico d'uno gourtsado. Amay, bous réspoundi qué s'abion fats la béstiso dé sé réboulta, lous aourion pas éspagnats. Mais qué, un moumén ! Lous républicains soun éstats pus fis qu'aco : « y'a pas rés qué pressé, sé soun ditsés dé s'ana fa coupa lous ossés ! sérién bé pla nigaous dé nous métré dins nostré tort én nous réboulten quand sièn sigurs, à las élétsious, dé ba-s-arrénga coumo bouldrén ! Arribaràn bé las élétsious, s'és pas dins un més séra dins sieïs ! Hé-bé ! Nous béyrén alaro, et sans dantsé pér digus ! Én attendén, bét-san cé qué saouran fa aquéstés ! » Atal sé pénsait, atal sé faguait dins touto la Franso :

èn loc digus nous branlait. Et las mêmos missantos léngos prétêdoun qué lous royalistos soun fort capots d'aquélo satséssou. Mé fa péno dé ba créyré pérqué sério béri-taplomén uno bérégougno.

Amm'aco, à létsi cé qu'éscriboun désem-pèy certains fullios sabi pas trop qué né diré. Imatsinas-bous qué cousséilloun al gou-bèrnomén dé tira dé cops dé fusils as répu-licains, dé lous cassa dé Franso sans qu'at-soun faït rés! Et, ba crèyriès pas! Lou goubèrnomén laysso fa aquélos fullios al loc dé las mêttré daban la tsustisso coumo ba déourio! Mais éncaro pus fort: lous qu'és-criboun aquélos soutisos sabès cal soun? És aquélo troupo dé gourmans qué l'empé-rur engraiçsabo, qué, mais qu'atsessoun dé car, dé bi et d'artsén pér fa la nosso cado tsoun, sé truffabou dal resto dé la terro, et qué démpéy qu'an pérdu tout aco soun fols.

Mais tant pis pél goubèrnomén sé sé laysso coumproumettré pér aquélis intrigants; nous aous n'abèn pas qu'uno caouso à fa: pèdré pas lou cap et atténdré las élétsious. Lous royalistos sé fisoun dé fa bouta lous pay-sans coumo bouldran ammé yours préfets, yours sous-préfets et lous ritous. Hé-bé! aco béyrén! Né tournarén parla quand lou moumén séra bégut. Én atténdén, amits, sèy un coussél à bous douna, és dé counti-nua dé téné pér la Républico pérce qué y'a pas qu'élo qué téngo pès paysans, et és élo qué bous tournara ména moussu Thiers, et bous poudès rappéla qué tant qu'abèn abut moussu Thiers et la Républico, tout anabo pla.

